

卷〇七五二七 倉字

卷〇七五二八 倉字等

永樂大典

永樂大典卷之七千五百十七 十八

倉

倉官

周禮倉人掌粟入之藏辨九穀之物以待邦用若穀下士續後餘法用有餘則藏之以待凶而頒之凡國之大事共以籍田千

積食飲之具

地官倉人中士四人下士八人府二人史四人胥四人徒

四十人疏曰掌粟入之藏如廩人米粟地之所成故也漢書官公卿表云司

農屬官有太倉令籍田令平淮令者也趙漢廣云廣漢廩潔下士續後

漢書云平淮令一秩六百石也杜預奏事云思惟籍田令本意以籍田千

畝十頃之田計其按行周旋不過數里也又云籍田令凡宗廟梁盛御用

膳羞及求群臣之調於是取所戶口足以當一縣之邑所供至重重事貢

臨履也梁冀別傳云孫壽姊妹夫宗所不知書因壽氣力為太倉令三國

典畧張軌為倉曹參軍或有請貸官粟者軌曰以私害公非吾宿志濟人

之難詎得相違乃以所服之衣賣糴粟以賑其乏晉百官表注云太倉令

一人銅印墨綬朝服進賢一梁冠品第七奉月廿斛品奉以為上太醫令

同也。隋書食貨志。後周司倉掌辦九穀之物。以量國用。國用足。即蓄其餘。以待凶荒。不足。則止餘用。足。則以粟貸人。春頒之。秋歛之。隋仁壽二年。

九月。置常平官。舊唐書職官志。大原永豐龍門諸倉。每倉監一人。正九品下。丞二人。從八品上。錄事一人。典事六人。府二人。史四人。掌固四人。倉監

掌倉窖儲積之事。丞為之貳。凡出納帳紙。歲終上于寺司。唐會要。隋末不置。武德五年三月二十二日。置四員。正觀二十二年十二月九月。大夫李

乾祐奏增兩員。以李文禮張敬一為之。文明元年。又置殿中裏行以楊咨王待微為之。準吏部式。以三員為定額。監倉庫本是察院職務。近移入殿

院。第一人監倉。第二人監庫。檢所移日月未獲。大和九年六月。御史大夫李固言奏。監太倉殿中侍御史一人。監左藏庫殿中侍御史一人。臺中舊

例。取殿中侍御史從上第一人充監太倉使。第二人充監左藏使。又各領制獄。伏緣推事。皆有程限。監臨遂不專精。往往空行文牒。不到倉庫。動經

累月。莫審盈虛。遂使錢穀之司。狡吏得計。至於出入多有隱欺。臣今商量監倉御史。若當出納之時。所推制獄。稍大者許五日一入倉。如非大獄。許

三日一入倉。如不是出納之時。則許一月兩入倉。檢校其左藏庫公事。尋常繁鬧。監庫御史所推制獄大者。亦許五日一入庫。如無大獄。常許一句。

內計會取三日入庫勾當。庶使當司公事稍振綱條。錢穀所由亦知警惧。初旨依奏。唐六典太原永豐龍門諸監每倉監一人正七品下。漢書酈生

云。據教倉之粟。又吳有海陵倉大司農屬官有諸倉長丞。後漢河南尹屬官有滎陽國倉長丞。魏書有鄆閭倉亦其事也。東晉有東倉石頭倉宋齊

因之。梁司農統左中右三部倉丞陳氏亦同。後魏閭文北齊司農有梁州及石濟之水次倉。隋初漕關東之粟以實京邑。衛州黎陽倉滎陽洛口倉。

洛州河陽倉。陝州常平倉。潼關渭南亦皆有倉以轉運之。各有監官。皇朝因之。丞二人從八品上諸倉監各掌其倉窖儲積之事。丞為之二。凡粟出

給者每一屋一窖盡。贖者附計欠者隨事科徵。非理欠損者坐其所由而償陪之。凡出納帳歲終上于寺焉。梁開平四年五月勅補開封府及河

南河北倉吏非舊典也。晏元獻公類要齊職儀太倉令周司徒屬官有廩人倉人則其職也。六典太倉令三人從七品下。石氏星經天倉六星在要

尾倉穀所藏有三星。天庾積廚粟之所。天因十三主卸糧也。史記云。武王伐殷散鉅橋之粟。周禮有廩人下大夫上士秦漢大司農屬官有太常令

丞各一人。文帝時得于意為之。後漢一人六百石。魏品第六。晉宋齊梁陳亦然。後魏開文北齊司農統太倉令丞。後周有司倉下大夫隋太倉令二

八。事文類聚歷代沿革。後漢太子少傅屬官。有太子倉令一人。六百石。主倉穀。魏晉以下無聞。後魏第五品中。北齊家令寺。領典倉署令丞。隋典倉丞二人。唐典倉署令一人。掌九穀入藏之數。及醢醢庶羞品。皿燈燭之事。舉其名數。而司出納。凡諸國園樹藝者。皆受令焉。丞二人判署事。大元置太子司倉。副司倉。掌倉出納。及薪炭等事。駢叢珠總說。兩漢有倉曹吏主倉庫。北齊有倉曹參軍。煬帝改司倉。曰書佐。開元改為倉曹參軍。古今合璧周禮有倉人。庾人。北齊司農寺。掌倉正統太倉。隋司農寺統太倉典廩。國朝祥符九年。詔京師官。年六十已上。勿差監在京諸倉。特國子博士雍文。載年六十五。受敕上言求免。上曰。京倉自受納至給畢。殆六七歲。若此輩一任。則老於掌庾矣。因著式焉。紹興十一年。詔行在三倉。以行在省倉上中下界為名。監官監行在省倉上中下倉界繫銜。泰和定律諸倉使一員。掌倉廩畜積受納租稅支給祿廩之事。副使一員。掌同使余副使准此。攢典掌收支文曆行署索贖。凡歲收一萬石以上。設二人。以下設一名。倉子掌斛斛盤量出納。省守巡護之事。與倉官通管。少數凡歲收三十萬石以上。設二十人。二十萬石以上十五人。十萬石以上十三人。五萬石以上十人。四萬石以上六人。三萬石以上四人。二萬石以上三人。一萬石以

上二人。不及一万石一名。唯中都隨倉各十三人。通州四倉共設一百二十人。右中都并外路京府倉設官並依此置。唯通州倉設使副外。各增置判官一員。節鎮省副使。元設副使者仍舊。防刺漕運司。六合倉并縣鎮應置倉官者。設都監一員。凡設同監處仍舊。其有科置使副一員。并倉兼草場者。並依舊例。即中都倉子若所收斛斗數多。依上添設。元經世大典官制倉庫官。倉氏庫氏之為官。其制已久。國家於常調之選。轉補之吏。歷倉庫一任。視其錢穀之多寡。地理之遠近。為之賦資。陞轉之法。馬。非徒錄其煩勞。抑出納之吝。使之知所勸也。若資歷由雜職者。止於雜職用焉。至元二十九年五月。吏部言。選注到倉官三十三員內。有告稱不願并不到人數。再令吏部選補數足。却有品級爭懸人員。今蒙省議。在都并通州河西務直沽李二寺等處倉官。比之其餘倉庫。尤為難重。今擬選注上項倉官。於應得資品上。例陞一等。如本界任滿。收支交割明白。別無侵欺短少。粘帶過犯。給到元脩解由者。再陞一等遷叙。先儘到選相應。見在人員不敷。聽於各衙門有出身一考之上。令譯史知印宣使奏差內選用。如有推避之人。依條治罪。若選注不當。耽誤收支糧斛。罪及當該銓選官吏。送吏部照會。仍分揀見注人員通行選注。元貞元年九月。吏部言。前李二

寺倉監支納馬世榮倉副張煥等。告任內總收糧一萬一千四百八十石三斗五升三合五抄八撮。節次支交盡絕。除依例准除合得破耗外。積餘耗糧一千一百七十八石五斗五升七合二勺七抄一撮。本部照得大都裏外倉官。除至元二十九年五月已後除授人員。已有陞等定例。所據至元二十四年閏二月初七日已後。至元二十九年五月例前。在都河西務通州李二寺直沽等倉官任內。所收糧斛多寡不同。為此再議。各官任內所收糧斛。若有積餘一千石以上者。比依倉官李瑞等例。再陞一等。一千石之下至五百石之上者。任迴減一資。歷陞轉。省准吏部呈本年五月分從七以下官員數內。倉官趙輝李從慶賈儀等三員。擬陞二等。歷過倉官月日。後任通理銓注。各各窠闕。省議趙輝等既選充倉官。例陞二等。所歷月日。不須理算。本部叅詳。今後似此人員。擬合一體施行。省准。二年六月。御史臺呈。各處倉官人等。有收糧多者。四十餘萬。少者不滿二萬。例陞二等。看詳收糧多者。倘因照畧不及。失陷短少。利害非輕。任滿別無侵欺。理宜陞用。其餘收糧數少倉官。一例陞等。中間優苦不倫。中書省下吏部斟酌。各倉優劣。擬到陞加等第。今後倉官有關於到選相應職官。并諸衙門有出身令譯史。通事知印宣使奏差。兩考之上人內選用。依驗難易。

收糧多寡陞等任迴。於應去地方遷叙。通州河西務李二寺等倉官。於應得資品上陞一等。任滿交割別無短少。減一資通理。通州七倉足食。

有年 及秬 富有 盈止 樂歲 廣儲 河西務七倉 大盈

崇墉 永備南 永備北 充溢 廣盈北 廣盈南 李二寺 直沽

在都并城外倉分。收糧五萬石之上。倉官於應得資品上陞一等。任滿交割。別無短少。依例遷叙。永平 既積 廣衍 惟億 永濟 盈衍

豐實 順濟 既盈 萬斯南 萬斯北 收糧一萬之上。倉官止依應

得品級除授。任滿交割。別無短少。減一資通理。豐閏 大積 通濟

千斯 廣貯 相因 廣濟 大德三年六月。吏部言倉官例所設正官。

例合陞等減資。周歲交代。緣各官禮任。月日不等。同立齊戒。一例交換。所

歷多寡不同。若便照依呈准。胡伯元一體陞轉。中間似為不倫。參詳倉官

各界得代所收糧斛。別無短少。應陞等者。擬歷過七月以上。照依元除陞

轉。六月以下。擬減一資。應減資者。六月以上。照依元除優減。五月以下。止

理。歷過月日。省議陞等。准所擬減資。六月以上。照依元除優減。五月以下。

擬減一十五月。大德四年八月。上都留守司關。上都廣積萬盈永豐三

倉。損典劉聚等。未定出身。吏部議上都所設萬盈廣積二倉。俱係正六品。

永豐倉係正七品。比之大都。平准行用庫。品級尤高。又係酷寒之地。今擬各倉攢典。轉寺監本把。并萬億庫司吏相應省准。戶部言上。都東西萬盈廣積二倉。所設倉官。二周歲為滿。司倉一周歲為滿。不能齊界。似為未便。吏部議宜依戶部擬。司倉與倉官一體二周歲為滿。省准。四年九月戶部言。直沽倉款。海粮到來稍水。與都漕運司等處對船交裝。直沽倉止是畫會作數而已。不出月餘。交卸既畢。在倉無粮可守。任滿與通州等倉官人等一體陞轉。似涉太優。移准吏部言。既比各倉所掌優輕。難循一體遷用。今後倉官比依通濟等倉例。不須陞等。任滿交割。別無短少粘帶過犯。擬減一資陞轉。外據見設司倉一十名。亦合量減五名。如唯吏部擬相應省議。既本倉別無親臨收支粮斛。存設大使一員。攢典二名。司倉二名。斗脚五名。其餘人員並行革去。餘准所擬。五年戶部員外郎趙奉訓言。前往通州李二寺河西務等處。體知倉官司倉。並不同時禮任。所收粮斛。不下二十餘萬石。見設官三員。先到任者始於前界官處。一一交盤見數。待同界官員立界收支。其同任人員。或三五月。或半年之上。方纔到任。及司倉人等到倉。必須重複交量。不唯交量生受。抑且短少粮斛。又都漕運司中。在都省倉。三月一日齊界交割。據本司所管倉分。如亦三月一日齊界

實慮倉官短少卒不敷用。又兼此時正是河倉價運糧斛輾到舊糧未曾價動誠恐相妨。合依已擬。自下年為始。六月一日齊界交割。其六月一日河糧已畢。上年見在價運赴都新運海糧未到乘此空隙各不相妨。公務兩便。部議如准本司所擬。自下年為始。六月一日齊界交割為宜。又議若擬司倉與倉官俱各齊界。除在都司倉六十七名。三月一日先行逐旋發補。其河倉總用司倉一百一十一名。俱於各路年終得代。院務官內勾取如令隨即起解。到都聽候。至六月一日關發中間或有病故者或有避懼在逃者必再催督各人居止去處。地理遠近不同。倉卒不能齊集。其司倉止是聽受倉官支使。分辦之職。節續關發收受糧斛事不相妨。參詳除倉官依准戶部所擬。六月一日齊界外。據司倉依舊逐旋發補。交換相應。省准。五月省議和林宣慰司所轄倉庫除廣濟庫官別行銓注。稱海札渾也迭別縣不係常川收糧倉分。如和林昔寶赤八剌哈孫孔古烈倉收支糧斛浩大。又係緊急支持去處。擬將上項諸倉改立從五品。提舉司各設官三員。提舉一員。從五品。同提舉一員。從六品。副提舉一員。從七品。周歲為滿。於列選人內選充。應得資品上擬陞二等。任迴別無粘帶過犯。照依元除地方選用。所歷月日通理任內所收糧斛若有短少。依條追陪黜降。五

月甘肅行省言。本省極遠重地。供給諸王。屯駐大軍。規措糧儲浩大。照得
腹裏行省倉官。受勅牒常調遷轉。唯甘肅倉庫官。多任色目之人。不知官
事利害。止是本省差設。比年以來。錢糧失陷。連綿追理。不能杜絕。今後合
依腹裏倉官例。於常選相應人內銓注。省擬甘肅二路。每處設官三員。監
支納一員。正六品。倉使一員。從六品。倉副一員。正七品。二周歲為滿。於列
選人內銓注。入倉先陞一等。任滿交割糧斛。別無短少。粘帶過犯。陞一等。
照依元除地方遷用。若有短少。依條追陪黜降。六月御史臺言。江容楊春
俱歷提控案牘。三十月。未應入流。既充倉官。例陞一等。止該正九品級。今
注倉官係八品。竄闕。任廵理從八月日添一資歷陞轉事屬違錯。部議江
容楊春俱係提控案牘一任。依例合於提控案牘籍記。既已選充倉官。例
合陞等。比依成梓例。任廵理。正九月日。如准所擬。任廵改正。今後似此
人員。依上例銓注。省准。大德七年十月。吏部呈。擬注到大同倉官忙兀
魯不花等。二十四員。都省議倉官。依准部擬二周歲交代。除納蘭不剌永
盈倉係逃北酷寒地面。例陞一等。其餘六倉。糴中賣之糧。隨時出納。難議
一體定奪。若任廵別無短少粘帶。擬減一資陞轉。八年七月。湖廣省咨
漢陽府言。每歲出納錢糧浩大。所設倉庫官。止於各路司吏內選用。本府

雖為散府。緣直隸行省若於本府請俸司吏內選充。滿日依例求叙。本省議散府司吏請俸六十月之上。選充本府倉庫官。一界滿日。年四十五以上。與吏目未及者。務使七十月之上。至九十月選充一界者。年四十五以上。與都目未及者。院務提領內任用。吏部議湖廣行省。所轄散府司吏充倉官。合依河南行省散府司吏充倉官。比總管府司吏取充者。降等定奪省准。大德十年四月。吏部言。伏見京畿并都漕運司所轄倉分。見設司倉人等。作弊不便。蓋百司得人則治。非人則廢。况倉官之職。所任繁重。難取其人。多於有過人內選取。殆非長法。如歷錢穀人員。所犯欺詐情罪。若復置之此地。適足以長奸滋惡。為弊尤深。牧民之間。犯贓亦可以迴避。此職今後須以無過之人選充。使其人各知錢穀為國之重。亦足以有所懲勸。且每歲銓注。倉官願入狀者。不能盡用。今歲倉官自願。十無一二。俱於列選人員內提注。足見各倉事體。雖以用人為本。然法弊則不能不變。事關錢穀。宜從戶部照勘議擬。省准。六月。河南省咨。所轄去處。除汴梁歸德等。腹裏六路。倉官庫子。損典。照依大德四年。咨准定例。差設外。據淮東淮西。荆湖兩道。宣慰司所轄路分。并蘄黃二路。擬合一體。已經劄付。各於大德十年正月為始。於州司吏內勾補。周歲滿日。別無粘帶過犯。於路府司

吏內委用庫子攢典於縣司吏內勾補。周歲滿日。別無粘帶過犯。轉補州吏。無州路分。所管縣分上名司吏內選差。依上轉補。違例委用者。雖有役過月日。並不准算。除已割付淮東淮西。荆湖兩道宣慰司。并蘄黃二路。依上行之省。准倉庫官陞轉例。至大三年三月。尚書省判吏部照。先奉

中書省割付。通州河西務等倉。六月一日。齊界交代。在都倉官。三月一日。齊界交代。又元貞二年六月。奉省割通州河西務等倉。每歲所收糧斛。不下二十餘萬。擬陞一等。任迴交割。別無短少。減一資。歷陞轉。在都京倉。每歲所收糧斛。五萬石之上。擬陞一等。大德三年六月。中書省割省倉所設正官。例合陞等。減資。周歲交代。緣各倉官。禮任月日不等。同例齊界。一例交換。所歷多寡不同。倉官齊界得代。所收糧斛。別無短少。應陞等者。七月以上。照依元除陞轉。六月以下。擬減一資。近於至大二年九月內。省議通州河西務。在都京倉官。從新銓注。已於是年十月初二日。禮任。將見任者。俱各截督。部議除在京倉官。已歷七月之上。照依舊例陞轉。其通州河西務倉官。俱係陞等減資人員。自至大二年六月之任。至十月一。例齊界截替。上曆五月。若比例不陞。却緣各官。即非病故。終是截替。又兼已經陞等。難議回降。若交割別無短少。照依已除陞轉。擬不減資。似為便益省。准。

四年九月戶部言。擬萬盈廣積兩倉申伏。念國朝治民之本。禮樂為先。富實之源。錢糧為重。竊見本倉官員。俱係常選所發。自至大二年十月蒙尚書省遷充前職。至大三。年正月齊界之任。經今半年之久。所收糧斛。倉廩盈滿。竊恐經年燒折。發變倘有失陷。厘勤追陪。輕則斷罪。重則破家。由此論之。不為不重。又緣出身通例。擬二周歲為滿。交代別無短少。止陞一等。不理月日。未林倉官。二年為滿。例陞二等。所歷月日。又同初任通理大都京倉官員。自三月一日齊界禮任。通州河西務倉。六月一日齊界之任。俱於七品以下流官。并各衙門兩考令譯史宣使人員。許願入狀。然後銓注。周歲為滿。入倉陞一等。任迴又減一資。通理月日。及豐實倉。每歲收支糧斛。不滿三萬。依前陞轉。減資竊緣上都萬盈廣積兩倉。北連沙漠地。接木林迺邊遠酷寒之地。周歲出納少者。不下三四十萬餘石。比之大都倉分所收糧斛。爭懸數倍。實是優劣不同。如蒙照依木林倉例。陞二等。唯復比依大都京河二倉。一體陞等減資。不為偏負。本部照擬大都京倉。各收糧斛數少。周歲為滿。例陞一等。惟上都迺酷寒之地。廣積萬盈兩倉。每歲出納糧斛。三四十萬石。不為不重。惟見任倉官。又皆流官常選。即非留守司保用人員。及以二年為滿。止陞一等。不惟優劣不同。又使廉慎無以激勸。

上都兩倉。合依大都京倉之例。周年為滿。別無粘帶短少。陞等減資。似不偏負。中書省下吏部議。各處倉官。陞轉通例。行之已久。今上都兩倉。雖與所指倉分各掌事體不同。緣係酷寒之地。量擬照依舊例。二周歲為滿。交割無虧。更無過犯。於應得資品上陞一等。歷過月日。今後比例通理。省准。

皇慶二年正月。河東山西道宣慰司言。近為屯儲府所轄通濟等四倉。急闕收受子粒倉官。本府所轄通北淨水等三倉。俱係上司遷到常調派官。今據南屯四倉。照依通北三倉例銓注。常調人員。唯復於本道解。由到司錢穀官內就選。依例通理月日。或候秋成。於大同等處屯儲軍民總管萬戶府見役屯官屯長內。不妨本役輪番差撥收受。周歲交替。官民長便。本部照議。南屯倉官。若於長選人內選差。南陽洪澤等處屯別。不曾別設倉官。又淨水等三倉。所受糧斛。俱係有司乘賤和糴。亦與上項倉分不同。如准本道宣慰司所擬。每歲秋成。從本司於大同屯儲軍民總管府見役屯官屯長內。摘撥收受。下年相沿交代。庶革擾民之弊。省准。延祐四年四月。江浙行省咨。各路司吏。歷俸已及兩考。在後選充五万石之上倉官。一界如無侵欺粘帶。合無將歷過倉官月日。比路吏一倍折算。歷五万石之下倉官月日。以二折三考。元設路吏俸月。通理九十月。照依見俸通

降通例。歷典史一考陞轉。惟復五萬石之上者。比同考滿路吏出身。充典史一考陞吏目。五萬石之下者。於典史內添一考。依例遷叙。庶幾勞逸均平。人不避難。部議今依江浙行省所言。各路見役司吏。已及兩考。選充倉官。五萬石之上。如無侵欺粘帶。比同考滿出身。充典史一考陞吏目。五萬石之下者。於典史添一考。依例遷叙。為宜。省准。八月十四日。湖廣省言。常德路易鼎先。充潭州路司吏。五十一月。大德九年。補倉官一界。遷充常德路司吏。通理。九十月。今次奉到吏道出身新例。不見所歷倉官可否准理。又興國路中。路府倉庫官。俱於本衙門見役司吏內取用。掌管出納錢穀。責任至重。無可養廉。出納之際。稍若取要。事發依例斷罪。今止理實。歷月日。已是偏負。部議湖廣行省倉官。既於見役請俸路吏內選充。宜從江浙行省元擬。如係路吏歷俸。已及兩考。選充倉官一界。別無侵欺粘帶。准同考滿出身。充典史一考。陞吏目。遷叙。庫官周歲。如無粘帶。准理本等月日考滿。依例陞轉。相應。省准。元典章雜職。依前改第品級遷升例。源官內選用者。任迴理。源官月日。元擬雜職人員。任迴雜職。遷升。平准行用庫官。任迴減一資。歷。塩場司令丞。管勾任迴減一資。通州等倉官。升一等減一資。通州七倉。李二寺直沽二倉。河西務七倉。京畿等十五

倉升一等。豐潤等三倉減一資。各衙門選用人員。任廻本衙門所轄叙用。匠官院長至從五品止。於匠官遷升。管辦錢穀官諸雜職人員。例至元二十一年九月定。一辦課分爲三等。上等充提領。中等充務使。下等充都監。一辦課官升轉一周歲爲滿。都監三界升務使。務使三界升。提領三界。升受省扎錢穀官。又歷三界於從九錢穀官內任用。諸雜職人員。比附院務官一體升遷。塩鐵副管勾。相副裝查批引等官。諸衙門倉庫塩教等監支納大使。資品錢穀人員例五千定之上提領正七。大使正八。副使正九。二千定之上提領從七。大使從八。副使從九。一千定之上提領正八。大使正九。省扎副使。五百定之上提領從八。大使從九。部劄副使。一百定之上係中等錢穀官。設提領大使副使。五十定之上設大使副使。五十定之下設都監。倉官窠間。監納正七。大使從七。副使正八。京倉一十七處。千斯相因。豐潤。通濟。廣貯。永平。永濟。惟憶。盈衍。豐實。太積。廣衍。既盈。既積。順濟。萬斯南。都倉一十七處。有年。樂歲。富有。廣儲。足食。太盈。盈止。及秬。克溢。崇墉。廼積。永備南。永備北。廣盈南。廣盈北。李二寺。直沽。